

جريدة حكاية

صلى

نومرو	ذى القعدة	سنه	اغستوس	سنه	صحيفة
۲۱۷	۲	۱۳۰۰	۲۳	۱۲۹۹	۱۷۲۹

اشبو غزته بهر هفته صلى كونلى چيقار . سنه لى مجيدى اچه الشمس غروشدن بهر نسخه سى الشمس
 پاره مجيدى به اوله رق هر رده صاتيلور . درج اولنه جق اعلانا تىك بهر سطرندن ايكي غروش النور .
 سنه لکنه مشرى اولمق استيانلر عدليه نظارت جليله سى اوراق مدير لکنه مراجهت اقليدر

(تصحيح)

۲۱۶ نومرو لى غزته ده كى توجيهات صره سنده
 محکمه استيناف اعضا لى محکمه مذکوره مدعى
 عمومى لى معاون لکنده مستخدم توفيق افندى به
 ياز يله جق ايکن محکمه استيناف مدعى عمومى لى
 اعضا لى توفيق افندى به ياز لى سهو ترتيب اولديغندن
 تصحيح کيفيته ابتدار اولنور

(عدليه نظارت جليله سندن فى ۲۵ مایس سنه)
 (۹۹ تاريخيله درس عادت و ولايات عدليه)
 (مقتش لکرينه ياز يلان تحريات عموميه)
 (صورتيدر)

عساكر شاهانه ردیف فرار يارندن بعضيلرينك الوب
 كتوردكلى اسلحه والبسه ميريه وسائر بهلاتك
 فيئات ميريه سى وجهله استحصالى بالعموم قوماندانلقره
 اشعار قلمش اولديغى حالده بمقوله فرار يار يلك ضايع
 ايلدكلى اشياى ميريه اثمانك تحصيلى بهمه حال

محاکم نظاميه نك حاکمنه محتاج اولسيه محاکجه بويولده
 حکم اعطاسى ردیف ضابطانك افراد مر قومه ايله
 محاکمه سنه متوقف طو تلمده ايدوكى استخبار قلنديغى
 بيانيه بومثلاو فرار يار اسلحه سندن و يا خود
 اشيا والبسه سندن برشى و يا اسبى برابر كتور و بده
 بونلردن برشى ضايع ايلر ايسه ايجاب ايدن بهاسى
 فيئات ميريه سى وجهله اشيا والبسه نك مي عا دينه كوره
 كندولردن تضمين ايتدير لک عسكرى جزا
 قانون نامه سنك يوز او توزنجى ماده سى حکمى ايجابندن
 و بوفرار يار لک وسائر قرعه ردیف افرادى بقايا سنك
 اخذ و كرفتى ايله تخصيص اولندقلرى فرقه و قطعه
 عسكرى يله سوق و تسريب ايدملرى دخی ملكيه
 و ضبطيه مأمورين و ضابطان و افرادينك وظيفه
 اصليدرندن ايدوكى نظامانده صراحة مسطور
 اولديغى مثلاو بهر سنه شرف صدور ايدن قرعه
 فرمان عاليه دخی تأكيده بيور يلان اراده سنيه
 جله جليله سندن بولنش اولسيه اولوجهله لازم

کنترلہ ایفای تبلیغات اولنسی طرف عالی سرعسکریدن
باندکره اشعار اولنسنه وفي الحقیقه ردیف ضابطانک
مدعی شخصی صفتیله محکمه به کلرینه لزوم
اولیوب مدعی عمومیلرک دولت نامنه اقامه دعویاه
مأور اولدقلری جهته تضمینات جهتنک دخی انلر
طرفندن طلب ودعوی ایناسی کافی اوله جفته
مبنی بعد ازین کرک بوجهته وکرک سالف الیاب
احوالده برمنوال محرر معامله اولنسی خصوصنک
تعمیاً هر طرفه ازباری امور جزائییه مدیر یندن افاده
اولنهرق ایجابی اجرا واشبو تحریراتک نسخ
مطبوعه کافیه سی لفاً اسرا قلمش اولسلیله کیفیتک
بالعموم مأمورین عدلیه به تبلیغی

(عدلیه نظارت جلیله سندن فی ۲۱ مایس سنه)
(۹۹ تاریخنده در سعادت وولایات عدلیه)
(مفتشلسکرینه یاز یلان تحریرات عمومیه نک)
(صورتیدر)

ساکرشاهانه افرادندن اولو بدعیرایندن بریله منظور
اولنلرک اثنای استنطاق ومحاکه لنده مافوقندن
رضه باط بولندبرلسی و بولردن جنحه وقباحت
وجنایت ایله کرک مذنوناً وکرک محکوماً توقیف
وجبسلی لازم کنلرک دخی عسکری محبسلیرینه
قولنق اوزره تعامل منسوب اولدقلری قوماندانلره
تسلیم ایدیلرک والاصل بولنرک نه استنطاقلری
اثناسنده ونه ده محکومیتلری حالنده ملکیه محبسلیرینه
قولنلوب عسکری حبسخانه لریه وضع ایلمسی اقتضا
ایده جکی رأساً واکیداً تسطیر اولنان فی ۹ جادی اولوی
سنه ۹۸ وفی ۱۹ شوال سنه ۹۸ وفی ۱۷ کانون نانی
سنه ۹۸ تاریخلی محررات عمومیه ایله هر طرفه تبلیغ
واشعار اولنمش ایکن بعض طرفلده ینه محررات

مجبوره احکامنه مخالف حرکت ایدلدیکی استخبار قلمش
وشو حال ایسه شایان تأسف بولنش اولدیغندن بعد ازین
اومقوله بحر مین عسکر به حقلرنده اشعارات سابقه
وجهله معامله وحرکت ایتیمانلر ره وجب قانون
مسؤل طوتیله جقلرندن اکاکوره ایجاب ایدلرله تیبهات
ووصایای اکیده ومؤثره ایفاسیله محررات مذکوره
احکامنه تمامیه توفیق حرکت اولنسی لزومنک وپرد
افراد عسکر یه دن محاکم نظامیه جه استنطاقلری
ایجاب ایدنلرک بعضاً استنطاق ومحاکلری امتداد
ایدلرک بولنرک قوانین عدلیه حکمنجه برچوق وقت
مذنوناً توقیف ایدلمکده اولدقلرینه وقرق بش
کوندن زیاده توقیف اولنان افراد عسکر به نک مدت
محبوسیتلری خدمت عسکر به لردن محسوب اولنماسی
نظامی اقتضاسندن اولهرق ضابطان و افراد
عسکر یه نک امتداد استنطاقات ومحاکات ایله طول
مدت موقوف قاللری مغدور یترینی مستلزم اولدیغی
طرف عالی سرعسکریدن اشعار اولنسنه مبنی
بعد ازین بولنرک محاکم نظامیه جه استنطاقی لازم
کلدیکی حالده محاکمه لرینک سرعت ممکنه ایله نهایت
ایکی هفته ظرفنده اجرا واکال ایدلرلسی وسائیلنک
استکمالی خصوصنک تعمیاً اشعاری امور جزائییه
مدیر یندن افاده اولنوب ایجابی اجرا ایله اشبو
تحریراتک نسخ مطبوعه کافیه سی لفاً اسرا اولنغین
برمنوال محرر مقتضاسنک ایفاسنه همیشه اعتنا
ایلمسی لازم کله جکی بیانیله

(عدلیه نظارت جلیله سندن فی ۲۷ تموز سنه)
(۹۹ تاریخنده در سعادت وولایات عدلیه)
(مفتشلسکرینه یاز یلان تحریرات عمومیه نک)
(صورتیدر)

بیاندن مستغنی اولدیغی وجهله محبوسینک فراره
جرأتلری قانوناً حقلرنده تشدید جزایی مستلزم
اولدیغی حالده بو حکم قانونک اجراسنه اکثریادقت
ایلماسی محبوسینه بادی جرأت اولوب حبسخانه لردن
فرار یاخود او یغونسز حاللره اجتناسار هیچ کسک
اولماتده بولنش ایدوکنه مبنی بعد ازین حبسخانه
وقلعه لرحه بحر مینک حسن محافظه سی امرنده تقیدات
لازمه نک اجراسی و بولردن فراره جرأت ایدن
کسانک قوه مسلحه وضابطه معرفتیه در دستلری
وسائلی استکمال اولنهرق اله کچور یلان فرار یلرک
جزا قانونامه همایونک یدنجی ماده سی حکمنه توفیقاً
ترتیب واجرای مجازاتیه برابر بولنرک فرار یلرینی
تحصیل وتسهیل ایدنلر حقلرنده دخی قانون مذکورک
یوز اون سکرنجی و یوز اون طقوزنجی ماده لری
موجبجه تحدید جزا ایدیلرک ارأه انابه اولنسی
لزومنک تعمیاً هر طرفه تبلیغ واشعاری امور جزائییه
مدیر یندن افاده اولنهرق ایجابی اجرا قلمش واشبو
تحریراتک نسخ مطبوعه کافیه سی لفاً کوندرنش
اولغین برمنوال محرر مقتضای حالک ایفاسنه همیشه
اعتنا واهتمام اولنسی


(عدلیه نظارت جلیله سندن فی ۱۶ اغستوس)
(سنه ۹۹ تاریخنده در سعادت وطشره عدلیه)
(مفتشلسکرینه یاز یلان محررات صورتیدر)

خزینة اوقافک مأمورین وملتزمین اوزرنده اولان
مطلوبات عتیقه سنه متعلق دعاویجه مالیه خزینة
سنک متعهدین وملتزمین سائر ذمئلرنده کی مطلوبات
عتیقه سی حقنده کی قراردن استفاده سی لزومنه دار
اوقاف همایون نظارتی مقامندن مبعوث تذکره اوزرینه
شورای دولت داخلیه دائره سندن اعضا اولنسان
مضبوطه ده مجله نک وسائر قوانین جدیده نک نشرندن

مقدم حادث اولمش اولان بومقوله دعاوینک وهنوز
دعوی شکلنه کیرمامش اولان ایلشکرک اصول
وقاعده قدیمه سی وجهله مرور زمان اعتبار اولنهرق
فصل وحسم ایدلسی ومذکور مجله قوانین سائر نه نک
نشرندن صکره کرک خزینة وکرک ملتزمین حقوقی
حقنده بیک التیوز التمشنجی ماده حکمنه توفیقاً مرور
زمانه اعتبار اولنسی قرار مذکوره وایجاب حال
ومصلحته موافق کورندیکندن کرک مالیه وکرک
اوقاف خزینة لرحه بعد ازین بویولده معامله
اولنسنک وتکامل ایدو بدعیرور زمانه سببیت ویرن
مأمورک مسؤل وضامن طوتلسنک اوقاف همایون
نظارتی وکالتنه ومالیه نظارت جلیله سنه اشعاریله دائره
عدلیه به معلومات ویرلسی بیان قلمش ونظارتین
مشار الیهما به تبلیغ کیفیت اولنمش اولغله ایجابنک
اجراسی مقام ساهی حضرت صدارت پناهیدن
شرفوارد اولان تذکره سامیه ده امر واشعار
یورنش وموجبجه صورت حالک محاکمه تبلیغی
خصوصنک از باری بالحواله امور حقوقیه
مدیر یندن افاده واشبو تحریراتک نسخ مطبوعه سندن
قطعه لفاً فرستاده قلمش اولغله ایفای مقتضاسی

(عدلیه نظارت جلیله سندن فی ۲۲ اغستوس)
(سنه ۹۹ تاریخنده در سعادت وطشره عدلیه)
(مفتشلسکرینه یاز یلان محررات صورتیدر)

تبدیل تابعیت ماده سی قانوناً برطاقم قیود وشروطه
تابع اولدیغی حالده دوائر وولایتجه محیت ادناسنده
بولنلرله بعضاً اجنبی نظریله باقلعه اولسی برطاقم
مخادیری موجب اولمده اولدیغندن بعدما اجانب نامنه
وقوع بوله جق مستدعیانک دوائر حکومت جانبدن
تدقیق مندرجاته تصدی اولنمسزین اول امرده



اصحاب استدعایک خارجیه نظارت جلیله سی معرفتیه
 تابعیتلری تحقیق ایدیلرک الندیجی معلومات اوزرینه
 اومثلورک اجنبی تبعه سندن اولدقلری حالده نظام
 دأره سنده ایشلرینه باقمسی و تبعه دولت علیه دن
 اولوبده لغرض شحیت ادعاسنده بولندقلری تبین
 ایدنلرک قاعده سی دأره سنده بالذات حکومت دولت
 علیه مهراجمت ایللری ایچون سفارتلر و قونسلسلر
 خانلر واسطه لر یله تبلیغ اولمش اولان استدعا
 نامهلرینک عدم قبولیه حکم سنر طوقلمسی صورتی
 اصول اتخاذ قلمشیدی اومثلور قانون وقاعده سی
 دأره سنده تبدیل تابعیت ایدنلره من القدیمر ویرلرکه
 اولان رخصتنامه لرک داخلیه نظارت جلیله سنک
 مهر یله نفوس عمومیه اداره سندن اعطاسی اصول
 مذکورنک متمماتندن اولوق اوزره بالتنسب
 اقتضاسی ایفا اولوق ودوآر ساره ایله تعمیم اولایانه
 دخی تبلیغ کیفیت ایدلش اولغله و چونکه بمالک
 عثمانیه مقیم اولان هر بر شخص تابعیت عثمانیه
 قانونی اقتضاسیجه عثمانلی طائقی لازم کلوب کندوسی
 اجنبی اولدیغنی بیان ایدر ایسه اصولاً اثباته مجبور
 واثبات ایتدیجه دعواسی غیر مسموع اولوق حکم قانون
 ایجابندن بونغله بعد مایندره رخصتنامه سی اولیانلرک
 اجنبی تابعیتی اثبات و نظارت داخلیه دن رخصتنامه
 استحصال ایتدیجه محکم ادعاسی قبول اولتیوب
 حقلرنده تبعه دولت علیه مثلور معامله اولنسی لازم
 کله چکی بیان عالیسیله اجرای ایجابی مقام ساهی
 جناب وکالت پناهیدن شرفوارد اولان تذکره
 سامیده امر و اشعار بیورلش و موجبجه صورت
 حالک محاکمه تبلیغی خصوصنک ازبازی
 امور حقوقیه مدیر یندن افاده واشبو تحریراتک
 نسخ کافیه سی لفا فرستاده قلمش اولغله اولوجهله
 ایفای مقتضاسی

(ایکوز اون النجی نومرولی جریده محاکمه)
 (مندرج اعلامک بقیه سی)
 معلوماتی اولدیغنی جهتله برشی سو یلدیکنی بیان ایله
 اجرای شهادتندن استنکاف ایلری اوزرینه محاکمه
 دیگر شاهد استماعنه قرار و پرورک جلب ایش
 و بناء علیه مخبره لرک شوافاده متباینلری اوزرینه محاکمه
 استینافیجه اجرای تدقیقات لازمه دن بولمش ایکن
 بوتدقیقات اجرا اولنقسزین اعلام ابتدائی تصدیق
 قلمش اولسندن و اساس اعتراض دخی بوجهته
 مبتنی بولمسندن نامتی مذکور اعلام استینافینک
 نقضی و بدایت محکمه سی اعلامنک مندرجاتی تحقیق
 عد اولنه جنجی جهتله مزبورهلرک محکمه بدایت
 حضورنده وقوعبولان شهادتلری مقبول و معتبر
 اولدیغنه بناء مؤخرأ شهادت سابقه لرینی انکار
 ایللری شایان قبول اولمیه جفندن اجرای تدقیقاته
 محل اولسامغله اعلام مزبورک تصدیق رأیلرنده
 دأره جه تساوی آرا وقوعنه مبنی کیفیت محکمه
 تمیزک هیئت عمومیه سنده لدی المذاکره شاهدتان
 مزبورنلک اولجه بدایت محکمه سنده مع اقسام وقوع
 بولان افاده و اخبارلری بدایت محکمه سی اعلامنده
 مندرج اولدیغنی و برکسه نک حضور حاکمه بر خصوصه
 شهادت ایش ایکن مؤخرأ نکولی اولبایده لاحق
 اولان حکمک بطلاننی موجب اولیه جنجی مقتضای
 احکام قانونیه دن بولدیغنی جهتله مزبورنلک استینافاً
 تحویل لسان ایله شهادتندن نکول ایللرنن طولایی
 یکیدن اجرای تحقیقاته محل اولدیغندن اعلام
 استینافینک تصدیقنه و خرج تعرفه سنک قرقجی
 ماده سی موجبجه تمیز اعلامی خرجی اولان الی
 غروشک مستدعی تمیز دن استینافنه اکثریت آرا
 ایله قرار ویرلدی

(فی ۴ رمضان سنه ۱۳۰۰ وفی ۲۷ حزران)
 (سنه ۹۹ تاریخی و اچوز الی بش نومر وسیله)
 (محکمه تمیز جزا دأره سندن اعطا قلمسان)
 (اعلامک صورتیدر)

نفس سلانیک اهلایسندن تحلیک اوغلی یانقونک
 ماده جر حندن طولایی سلانیکلی فراری قالیویاتینک
 طقوز ماه مدته حبسنه غیباً و جارح مرقوم فرارینه
 سببیت و یرملری جهتله مظنون علیه بولنان اوستول
 و یانینک عدم مسؤلیتینه قرار ویرلدیکنه دأر
 سلانیک ولایتی بدایت محکمه سی جزا دأره سندن
 و یریلوب محکمه استینافیجه تصدیق قلمش اولان
 اعلام حکمینه مدعی شخصی مرقوم یانقوعدم قناعته
 کیفیت تمیزاً رؤیاتی استدعا و شرائط تمیزیه دن
 اولان بش لیرایی دخی ایفا ایلسی جهتله اعلام مذکورک
 صورت مصدقه سی اوراق متفرعه سیله معاً ولایت مشار
 الیهام مدعی عمومی وکالتندن فی ۲۱ ربیع الاول
 سنه ۱۳۰۰ وفی ۳۱ کانون ثانی سنه ۹۷ تاریخی
 و یوز سکسان سکر نومرولی تحریرات ایله ارسال
 و باش مدعی عمومیک مأموریت بهیه سندن و یریلان
 فی غره جهادی الاولی سنه ۱۳۰۰ وفی ۲۶ شباط
 سنه ۹۸ تاریخی و بیگ در تیوز سکسان الی نومرولی
 تبلیغنامه ایله محکمه تمیز جزا دأره سنده اعطا قلمغله
 لدی التدقیق مذکور تبلیغنامه ده کوسترادیکی اوزره
 مدعی شخصی مرقوم طرفندن اصول محاکمات
 جزاییه قانون موقنک اوچپوز یکریمی اوچنجی
 و اوچپوز یکریمی دردنجی ماده لری احکامنه توفیقاً
 استیناف قرارینک تاریخ تفهیمی اولان فی ۵ کانون
 ثانی سنه ۹۷ تاریخندن اعتباراً مدت نظامیه سی
 ظرفنده یعنی فی ۱۱ کانون ثانی سنه ۹۷ تاریخنده
 تمیز استدعا نامه سی اعطا اولنوب صورتلری دخی
 مدعی علیه مه تبلیغ اولدیغنی مؤخرأ کوندر یلان

مقبوض علم و خبرلری مفادندن و شرائط تمیزیه دن
 اولان بش لیرا جزای نقدینک دخی محکمه به تسلیم
 و ایفا اولدیغنی ظهر عرضحالده محرر درکناردن
 اکلاشلش ایسه ده معترض مرقومک فی ۱۸ کانون
 ثانی سنه ۹۷ تاریخی لایحه اعتراضیه سنده در میان
 اولنسان اعتراضات کرک جنجه ایله محکومیتنه قرار
 و یریلان جارح مرقومک جزاسنک تشدید و کرک
 برائتینه حکم لاحق اولان مرقومان حقلرنده جزا
 تحدیدی ماده لرندن عبارت و صرف حقوق عمومیه به
 متعلق اولوب بوقوله حقرق عمومیه دعوالرینک
 اقامه سی و لاحق اولان حکمک تمیزی طلبی ایسه
 قانوناً مدعی عمومیره عأد اوله رق مدعی شخصیلرک
 انجق حق شخصی ادعاسنی در میان ایده یلوب
 حقوق عمومیه دعواسنه مداخله به حق و صلاحیت
 قانونیه لری بولند یغندن ذکر اولنان تمیز استدعاسنک
 ردیله جزای نقدی مذکورک و زنه به ایراد قید
 اولنسنه قرار ویرلدی

اعلامات

طقسان یدی سنه سی تشرین اولنک اون سکرنجی
 بازار اخشامی ازمیده تابع باغچه جق قریه سنده
 مقتولاً وفات ایدن قریه مرقومه اهلایسندن و تبعه
 دولت علیه دن دیقران ولد اغوبک کیفیت قتلندن
 طولایی مظنون علیهما اولان وهیئت اتهامیه دن
 جنایتله اتهام ایدیلان ازمید سنجاغنه تابع قره پیکار
 قریه سی ساکنلرندن و تبعه دولت علیه دن اون
 یدی یاشنده چاوش اوغلی امین ایله رفیق اون سکر
 یاشنده احمد چاوش اوغلی حسین نام کسسنه لر فرار
 ایتلرینه مبنی اصول محاکمات جزاییه قانون موقنک
 اوچپوز یتش برنجی ماده سی موجبجه حقلرنده

معامله مقتضیه اجرا و محاکمه غیایه لری ایفا اولنه رقی
مرق ماندن امینک جزا قانوننامه همایونک یوز یتیش
در دنجی ماده سنک قمره اخیره سی موجبجه مجازات
اولنسنه و حسینک دخی قانون مذکورک یکریمی برنجی
ما ه سی منظوقنجه بش سنه مدله وضع کورک ایدلسنه
ازمید بدایت محکمه سی جزا دائره سنندن غیاباً حکم
اولنغله ایجابی بالاجرا اعلان کیفیته ابتدار قلندی
فی ۲۷ شوال سنه ۳۰۰ و فی ۱۸ اغستوس سنه ۹۹

طقسان یدی سنه سی تشرین تانیسنک یکریمی سکرنجی
جمعه ایرتسی کونی اطه بازارینه تابع اکثرجه قریه سنده
جرح اولنوب اثر جرحدن متأثراً اون ایکی کون
صکره وفات ایتیش اولان شیخلر ناحیه سننه تابع
فندقلر قریه سی اهاالیسنندن هاجی نیقوله نک چوبانی
دیتری ولد قسطنینک کیفیت جرح وقتلندن طولانی
مظنون علیه بولنان وهیئت اتهامیه دن جنایتله اتهام
ایدیلان روم ایلی مهاجرلندن جالجان قریه سنده
ساکن یکریمی بش یاشنده رنجبر حسین فرار ایتسنه
مبنی اصول محاکمات جزاییه قانون موقتک اوچوز
یتیش برنجی ماده سی موجبجه حقنده معامله مقتضیه
اجرا و محاکمه غیایه سی ایفا اولنه رقی مرقومک
جزا قانوننامه همایونک یوز یتیش یدی برنجی ماده سنک
ذیلی احکامنه توفیقاً الی سنه مدله وضع کورک
اولنسنه ازمید بدایت محکمه سنجه غیاباً حکم اولنغله
ایجابی بالاجرا اعلان کیفیته ابتدار قلندی

فی ۲۷ شوال سنه ۱۳۰۰ و فی ۱۸ اغستوس سنه ۹۹

بک اولغنده یوکسک قالدیرمه ساعت و مجوهرات
فروخت ایدن تبعه یونایه دن یوردان ولد مارقارید

بنک طقسان سکرسنه سی شباطنک یکریمی سکرنجی
کیجه سی ساعت یدی قرارلنده دکاتندن آتش ظهور
ایتسنندن طولانی مظنون علیه اولوب هیئت اتهامیه دن
غیاباً اتهام اولنان مرقوم یوردانک کوچک قرنده سی
اورته بو یلی ضعیفجه بقسمز قره کوزلی قره قورجق
صاچلی یوارلق چهره لی اسمرجه و یونانسننده واقع
اندرو جزیره لی اولوب ستری پانطولونلی سیاه سابقه
اکتسا ایدن یونان دولتی تبعه سنندن اون الی یاشنده
علکسی ولد مارقاریدی نام شخص شمیدی به دکین
اله کچور بله ماش اولدینندن اصول محاکمات جزاییه
قانون موقتک اوچوز یتیش برنجی ماده سی مندرجاتنه
توفیقاً قانونه اطاعتله محکمه به کلک اوزره اشبو
تاریخدن اعتباراً جانب ریاستدن فراری مرقومه
اون کون مهل و یراش اولغله مدت مذکوره طرفنده
محکمه به کلدیکی تقدیرده قانونه اطاعت ایتماش نظر بله
باقیله رقی محاکمه غیایه سی بالاجرا حقوق مدینه دن
اسقاط اولنه جنجی و اموالی حجز ایدیله جنجی و بومدت
ظرفنده برکونه دعوی اقامه سننه حق اوله میه جنجی
ومرقومک بولندیجنجی محل ییلنلر خبر و یرمکه و بالجه
ضابطه عدلیه مأمورلرینک کندوسنی اخذوکرفت
ایتمکه مجبور اولدقلری وفراری مرقومک اخذوکرفت
امری اعطا قلنش ایدوی اعلان اولنور
فی ۱۸ اغستوس سنه ۹۹

طقسان طقوز سنه سی شوالنک دردنجی جمعه کونی
ازمید سنجاخنه تابع دوشمه قریه سنده مسکون باطوم
مهاجرلندن و رنجبر اصنافندن یکریمی یاشنده رجب
بن احمدک بالطه ایله قتل و اتلاف اولنسنندن طولانی
مظنون علیه بولنان وهیئت اتهامیه دن جنایتله اتهام
ایدیلان قریه مذکوره ساکنلرندن و طلبه دن یکریمی
اوج یاشنده محمد اوغلی علی نام کسنه فرار ایتسنه

مبنی اصول محاکمات جزاییه قانون موقتک اوچوز
یتیش برنجی ماده سی موجبجه حقنده معامله مقتضیه
اجرا و محاکمه غیایه سی ایفا اولنه رقی مرقوم علیه
جزا قانوننامه همایونک یوز یتیش برنجی ماده سی
احکامنه توفیقاً مجازات اولنسنه ازمید بدایت محکمه سی
جزا دائره سنندن غیاباً حکم اولنغله ایجابی بالاجرا
اعلان کیفیته ابتدار قلندی
فی ۲۷ شوال سنه ۱۳۰۰ و فی ۱۸ اغستوس سنه ۹۹

اطه بازاری قضا سنه تابع صدق ناحیه سننه مضافه
قرعالی قریه سی اهاالیسنندن مهاجرین چراکسنه دن
اولوب مقتولاً وفات ایدن خان اوغلی محمد بک کیفیت
قتلندن طولانی مظنون علیه بولنان وهیئت اتهامیه دن
جنایتله اتهام ایدیلان قریه مذکوره ساکنلرندن
ومهاجرین چراکسنه دن او تویاشنده چراکس اسحق
بن عبدالله فرار ایتسنه مبنی اصول محاکمات جزاییه
قانون موقتک اوچوز یتیش برنجی ماده سی موجبجه
حقنده معامله مقتضیه اجرا و محاکمه غیایه سی ایفا
اولنه رقی مرقومک جزا قانوننامه همایونک یوز
یتیش برنجی ماده سی احکامنه توفیقاً مجازات اولنسنه
ازمید بدایت محکمه سنجه حکم اولنغله ایجابی بالاجرا
اعلان کیفیته ابتدار قلندی

فی ۲۹ شوال سنه ۱۳۰۰ و فی ۲۰ اغستوس سنه ۹۹

اشبو طقسان طقوز سنه رومیه سی مایسنک بشنجی
کیجه سی سودجی پتری ایله رفیق قسطنطینک پاپاز
چقلکنندن بارکیرلرینه سود یوکلدوب داود پاشا
قشله سی جوارنده آپسا نام محله کلدکارنده مسلماً
اوکلرینه چیقسارق و کوزلرینی باغله یه رقی یدلنده

بولنان درت رأس بارکیرلرینی اخذ و غصب ایتلرندن
طولانی مظنون علیه بولنان تبعه دولت علیه دن
وروسجق مهاجرلندن اوزون بو یلی چیل و اوزون
یوزلی قوال صاچ و قاشلی اورته اغز و چکله لی یکریمی
بش یاشنده حسینک الده بولنان رفیق ایله برابر فعل
مذکوره جرأله فرار ایدیلدیکی اوراق تحقیقه
مالرندن اتلاشیش و حرکت واقعه سی قانون چراک
التمش ایکنجی ماده سی ذیلنه موافق افعال جنایتیه دن
اولوب در سعادت محکمه استینافیه سی جنایت قسمنده
غیاباً محاکمه سی اجرا اولنغ اوزره جنایتله اتهامنه
متفقاً قرار و یراش اولدینندن مرقوم حسینک
هرزده کور یلور ایسه طویلوب محکمه مذکوره
حبسخانه سنه تسلیم اولنسی لازم کله جنجی بالجه ضابطه
عدلیه مأمورلرینک معلومی اولنغ اوزره اشبو اخذ
وکرفت امری هیئت اتهامیه دن و یریلان مذکوره
اوزرینه اعلان اولنور

فی ۲۹ شوال سنه ۱۳۰۰ و فی ۲۰ اغستوس سنه ۹۹

عبد الرحیم افندینک سماعی افندی به ۹۹ نومرولی
اعلام موجبجه دینی اولان مبالغ معلومه نک نسویه سی
ضمننده مدیون مومی الیهک روه ایلی قواغی حصارنده
چایر دره موقعنده ۲۱ نومرولی ایله مرقم برقطعه
باغی لدی المزابده لیرایوز غروشدن ایکی یک ایکوز البلی
غروشه طالبی عهده سنده تقرر ایدیلکنندن تاریخ
اعلان اعتباراً او توز برکون طرفنده بدل مذکور
اوزرینه یوزده بش ضمیمه طالب اولنلرک بک اوغلی
بدایت محکمه سی اجرا دائره سننه مراجعت ایتلری
اعلان اولنور فی ۲۴ اغستوس سنه ۹۹

نومرولى اعلام موجنبجه صبيحه خانم دى اولان
مبالغ معلومه نك تسويه سى ضمننده مديون موسى
اليهك بيوكدرده مر جان زقافنده باغله موقعنده
۳ نومرولى متصرف اولديغى برقطعه باغى لى
المزايده ايرايوز غروشدن اون يى بيك غروشه طالبى
عهده سنده تقرر ايلديكندن تاريخ اعلاندن اعتباراً
اوتوز بركون ظرفنده مبالغ مذكوره اوزرينه يوزده
بش ضميله طالب اولنلرك بك اوغلى بدايت محكمه سى
اجرا دائره سنده مراجعت ايللرى اعلان اولنور
فى ۲۴ اغستوس سنه ۹۹

ملكيه وهبه الله خانم لرك $\frac{۹۷}{۳۱۵}$ نومرولى اعلام موجنبجه
ماليه خزينه جليله سنه باقى دينلر اولان مبالغ معلومه نك
تسويه سى ضمننده مديونه لردن ملكيه خانمك
ششلىنك بك اغلى جاده سنده ايكيوز طقوز نومرو
ايله مرقم بيك التيوز ذراع متصرف اولديغى برقطعه
عرضه سى اون بر بيك التيوز وينه جاده مذكوره
واقع ايكيوز يى نومرو ايله مرقم اوچيوز التمش
ذراع برقطعه عرضه سى التى بيك التيوز وهبه الله
خانمك تشويقيه محله سنده احمد بك زقافنده يكرمى
درت نومرو ايله مرقم بيك ايكيوز ذراع برقطعه
عرضه سى طقوز بيك ايكيوز غروش بدل ايله طالبى
عهده سنده تقرر ايلديكندن تاريخ اعلاندن اعتباراً
اوتوز بركون ظرفنده بدل مذكور اوزرينه يوزده
بش ضميله طالب اولنلرك بك اوغلى بدايت محكمه سى
اجرا مأمور يته مراجعت ايللرى اعلان اولنور
فى ۱۴ اغستوس سنه ۹۹

بك اوغلنده بلبل دره سنده اوتوز اوچ نومرولى
خانه نك مستأجرى بولنان ويچن مذكور خانه نك
بر او طه سنى مقدماتش غروش كرا ايله اربسى قادينه
ايچار ايتش ايسه ده مزبوره اربسى يكرمى يى
ماهدنبرو غيبو بت ايدرك او طه دروننده بر مقدار
اشيا براقش اولديغندن بحثله مذكور او طه نك
تخليه سيله اشياى مزبوره نك فروختى و بدليه متراكم
اجاره نك تسويه سى و محسوبي مرقوم ويچن
طرفندن استدما و ادما اولمش و على الاصول مزبوره
غزته لاله محكمه يه دعوت ايدلمش اولديغى حالده
ظهور ايتماش و مدعينك طلبى اوزرينه اصول
محاكمه حقوقيه قاتون موقتى احكامنه توفيقاً عن
الغياب تدقيق مدعا قلنه رق مذكور او طه نك تخليه سنه
واشياى مذكور نك مأمورى معرفتيله فروختيله
اجارات متراكمه سنه و يراسنه و فضله سنك محكمه
وزنه سنده حفظيله ايلروده مدعى عليها اربسى يه
اعطاسنه فى ۹ شوال ۱۳۰۰ و فى ۳۰ تموز
سنه ۹۹ تاريخنده بك اوغلى بدايت محكمه سى
برنجى حقوق دائره سنججه غيباباً حكم اولمش و او ابابده
صدور ايدن اعلام غيبابنك صورتى محكمه ديوان
خانه سنه تعليق قلمش اولمغله تاريخ اعلاندن اعتباراً
اوتوز بركون ظرفنده مدعى عليها اربسى قادينه اثبات
وجود ايلز ايسه حكم اعلامك اجرا قلنه جغى اعلان
اولنور

فى ۴ ذى القعدة سنه ۱۳۰۰ فى ۲۴ اغستوس سنه ۹۹

ايكنجى اردوى همايون اوچنجى نشانجى طاپورى
ك باشيسى رفعتلو شوكت بك افدينك $\frac{۹۸}{۸}$